



Broj/Broj: 01/a – 50 – 1 – 15 - 64/09
Sarajevo/Sarajevo: 24.11. 2009.

ZAPISNIK
64. sjednice Predstavničkog doma
Parlamentarne skupštine Bosne i Hercegovine,
održane 24.11., 2.12. i 7.12. 2009. godine

Sjednica je počela u 10 sati. Prisustvovalo je 36 poslanika.

Opravdano su odsustvovali: Sead Jamakosmanović, Sefer Halilović, Jozo Križanović i Zlatko Lagumdžija.

Iz Vijeća ministara BiH sjednici su prisustvovali ministri: Bariša Čolak, Sredoje Nović, Mladen Zirojević i Dragan Vrankić, te zamjenik ministra Srđan Arnaut.

Iz međunarodnih organizacija sjednicu su pratili predstavnici: OHR-a, OSCE-a, EUSR-a, EUPM-a, USAID/PSP u BiH, ambasada Velike Britanije i Japana, te nevladine organizacije Centri civilnih inicijativa.

Sjednici je prisustvovao i generalni revizor Milenko Šego.

Predsjedavajući je dao uvodne napomene u vezi sa izmjenama i dopunama prijedloga dnevnog reda. Obrazložio je skidanje pojedinih tačaka zbog zahtjeva nadležnih komisija, dodavanje novih i preformuliranje određenih tačaka zbog negativnih mišljenja komisija.

Rifat Dolić predložio je da se u dnevni red 64. sjednice Doma uvrsti nova tačka pod nazivom – Donošenje zaključka o podnošenju informacije Vijeća ministara BiH o stanju i preduzetim aktivnostima u BiH na preventivnoj zaštiti i borbi protiv virusa gripe A (H1N1).

Sadik Bahtić je, u ime Komisije za finansije i budžet, predložio da 21.tačka predloženog dnevnog reda - Izvještaji Ureda za reviziju institucija BiH o reviziji institucija BiH za 2008. godinu s Mišljenjem Ureda za reviziju institucija BiH - bude razmatrana kao 4. tačka dnevnog reda.

U raspravi o dnevnom redu učestvovali su: Sadik Bahtić, Mirko Okolić, Šefik Džaferović, Velimir Jukić, Lazar Prodanović, Selim Bešliagić, Drago Kalabić, Rifat Dolić, Halid Genjac, Momčilo Novaković i Milorad Živković.

Nakon rasprave pristupilo se glasanju o prijedlogu Rifata Dolića za dopunu dnevnog reda. „Za“ su glasala 24 poslanika (iz Federacije BiH 16, iz Republike Srpske osam), glasova „protiv“ i „suzdržanih“ nije bilo. Predsjedavajući je konstatirao da je Dom usvojio ovaj prijedlog, te da se dnevni red dopunjava tačkom 27. koja glasi: Donošenje zaključka o podnošenju informacije Vijeća ministara BiH o stanju i preduzetim aktivnostima u BiH na preventivnoj zaštiti i borbi protiv virusa gripe A (H1N1).

Za“ prijedlog Komisije za finansije i budžet glasalo je 16 poslanika (iz Federacije BiH devet, iz Republike Srpske sedam), 10 je glasalo „protiv“ a jedan je bio „suzdržan“. Predsjedavajući je konstatirao da nema potrebne entitetske većine. Kolegij je odmah proveo usaglašavanje. S obzirom da nije postignuta saglasnost, prešlo se u drugi krug glasanja.

Sa 20 glasova „za“ (iz Federacije BiH 12, iz Republike Srpske osam), šest glasova „protiv“ (iz Federacije BiH pet, iz Republike Srpske jedan) i dva „suzdržana“ glasa, Dom je usvojio prijedlog Komisije, te je tačka 21. pomjerena na tačku 4. dnevnog reda.

Predsjedavajući je konstatirao da 64. sjednica Predstavničkog doma ima sljedeći

DNEVNI RED

1. Usvajanje Zapisnika 63. sjednice Predstavničkog doma;
2. Poslanička pitanja:
 - a) Komentari na dobivene odgovore,
 - b) Nova poslanička pitanja;
3. Potvrđivanje Odluke predsjedavajućeg Vijeća ministara BiH o imenovanju Sadika Ahmetovića za ministra sigurnosti BiH i zamjenika predsjedavajućeg Vijeća ministara BiH;
4. Izvještaji Ureda za reviziju institucija BiH o reviziji institucija BiH za 2008. godinu, s Mišljenjem Ureda za reviziju institucija BiH:
 - **Institucije s pozitivnim mišljenjem:**
 - 1 Ustavni sud BiH,
 - 2 Sud BiH,
 - 3 Agencija za poštanski saobraćaj BiH,
 - 4 Arhiv BiH,
 - 5 Agencija za državnu službu BiH,
 - 6 Tužilaštvo BiH,
 - 7 Agencija za rad i zapošljavanje BiH,
 - 8 Centar za ukljanjanje mina BiH,
 - 9 Institut za standardizaciju BiH,
 - 10 Agencija za osiguranje u BiH,
 - 11 Pravobranilaštvo BiH,
 - 12 Agencija za nadzor nad tržištem BiH,
 - 13 Direkcija za evropske integracije BiH,
 - 14 Centralna izborna komisija BiH,
 - 15 Državna regulatorna komisija za električnu energiju BiH,
 - 16 Regulatorna agencija za komunikacije BiH,
 - 17 Agencija za statistiku BiH,
 - 18 Granična policija BiH,
 - 19 Služba za zajedničke poslove institucija BiH,
 - 20 Agencija za javne nabavke BiH,
 - 21 Ministarstvo pravde BiH,
 - 22 Fond za povratak BiH,
 - 23 Odbor državne službe za žalbe BiH,
 - 24 Ured koordinatora za reformu javne uprave BiH,
 - 25 Parlamentarna skupština BiH (sa skretanjem pažnje),
 - 26 Institucija ombudsmena za zaštitu potrošača BiH (sa skretanjem pažnje),
 - 27 Institut za nestala lica BiH (sa skretanjem pažnje),
 - 28 Komisija za imovinske zahtjeve raseljenih lica i izbjeglica BiH (sa skretanjem pažnje),
 - **Institucije s mišljenjem s kvalifikacijom:**
 - 1 Agencija za identifikacione dokumente, evidenciju i razmjenu podataka,
 - 2 Ministarstvo vanjske trgovine i ekonomskih odnosa BiH,
 - 3 Agencija za sigurnost hrane BiH,
 - 4 Ured za zakonodavstvo Vijeća ministara BiH,
 - 5 Uprava BiH za zaštitu zdravlja bilja,
 - 6 Institut za intelektualno vlasništvo BiH,
 - 7 Komisija za koncesije BiH,
 - 8 Ministarstvo odbrane BiH,

- 9 Institut za akreditiranje BiH,
 - 10 Institut za mjeriteljstvo BiH,
 - 11 Ministarstvo sigurnosti BiH,
 - 12 Ministarstvo za ljudska prava i izbjeglice BiH,
 - 13 Visoko sudsko i tužilačko vijeće BiH,
 - 14 Konkurencijsko vijeće BiH,
 - 15 Memorijalni centar Srebrenica-Potočari, spomen-obilježje i mezarje za žrtve genocida iz 1995. godine,
 - 16 Državna agencija za istrage i zaštitu BiH,
 - 17 Ured za veterinarstvo BiH,
 - 18 Ministarstvo civilnih poslova BiH,
 - 19 Predsjedništvo BiH,
 - 20 Agencija za unapređenje stranih investicija BiH,
 - 21 Ministarstvo komunikacija i prometa BiH,
 - 22 Uprava za indirektno oporezivanje BiH,
 - 23 Ministarstvo finansija i trezora BiH,
 - 24 Komisija za očuvanje nacionalnih spomenika,
 - 25 Generalni sekretarijat Vijeća ministara BiH,
 - 26 Direkcija za ekonomsko planiranje,
 - 27 Institucija ombudsmena za ljudska prava BiH,
 - 28 Služba za poslove sa strancima BiH,
 - 29 Ministarstvo vanjskih poslova BiH,
 - 30 Direkcija za civilno zrakoplovstvo BiH,
 - 31 Ured za razmatranje žalbi.
5. Zahtjev Vijeća ministara BiH za razmatranje Prijedloga zakona o izmjenama i dopunama Zakona o zaduživanju, dugu i garancijama BiH, po skraćenom postupku, u skladu s članom 126. Poslovnika, zakon broj: 01,02-02-4-106/09, od 18.11.2009.,
 6. Zahtjev Komisije za vanjsku trgovinu i carine za razmatranje Prijedloga zakona o dopuni Zakona o sistemu indirektnog oporezivanja u BiH, po skraćenom postupku, u skladu s članom 126. Poslovnika, zakon broj: 01-02-4-106/09, od 18.11.2009.,
 7. Prijedlog zakona o duhanu BiH, predlagač: Vijeće ministara BiH, zakon broj: 01, 02 – 02 – 2 – 89/09, od 30. 9. 2009. (drugo čitanje);
 8. Prijedlog zakona o izmjenama i dopunama Zakona o ministarstvima i drugim organima uprave BiH, predlagač: Vijeće ministara BiH, zakon broj 01,02 – 02 - 5 – 6 - 1/09, od 21. 8. 2009. (drugo čitanje);
 9. Prijedlog zakona o izmjenama i dopunama Zakona o upravi, predlagač: Vijeće ministara BiH, zakon broj: 01,02-02-5-80/09, od 14. 9. 2009. (drugo čitanje);
 10. Prijedlog zakona o izmjenama i dopunama Zakona o javnim nabavkama BiH, predlagač: poslanik Bajazit Jašarević, zakon broj: 01- 02 – 4 - 83/09, od 8. 10. 2009. (drugo čitanje);
 11. Prijedlog zakona o izmjeni Zakona o osnovama sigurnosti saobraćaja na putevima u BiH, predlagač: poslanik Momčilo Novaković, zakon broj: 01, 02 – 02 – 3 - 94/09, od 13. 10. 2009., sa Izvještajem Komisije za saobraćaj i komunikacije;
 12. Prijedlog zakona o izmjenama i dopunama Krivičnog zakona BiH, predlagač: Vijeće ministara BiH, zakon broj: 01,02-02-5-103/09, od 6. 11. 2009. (prvo čitanje);
 13. Prijedlog zakona o praznicima BiH i neradnim danima, predlagač: Vijeće ministara BiH, zakon broj:01,02-02-9-102/09, od 5.11.2009. (prvo čitanje);
 14. Prijedlog zakona o izmjenama i dopunama Zakona o Javnom radiotelevizijskom sistemu BiH, predlagač: Vijeće ministara BiH, zakon broj: 01, 02,- 02-3-97/09, od 16.10.2009., s Mišljenjem Komisije za saobraćaj i komunikacije;

15. Prijedlog zakona o izmjenama i dopunama Zakona o Javnom radiotelevizijskom servisu BiH, predlagač: Vijeće ministara BiH, zakon broj: 01, 02,- 02-3-98/09, od 16. 10. 2009., s Mišljenjem Komisije za saobraćaj i komunikacije;
16. Prijedlog zakona o izmjenama i dopunama Zakona o komunikacijama, predlagač: Vijeće ministara BiH, zakon broj: 01, 02, - 02 - 3 – 99/09, od 16. 10. 2009., s Mišljenjem Komisije za saobraćaj i komunikacije;
17. Prijedlog zakona o izmjenama Zakona o akcizama u BiH, predlagač: poslanik Jerko Ivanković Lijanović, zakon broj: 01-02-4-68/09, od 11. 9. 2009., s Mišljenjem Komisije za finansije i budžet;
18. Prijedlog rezolucije o historijskoj vrijednosti i važnosti prvog zasjedanja ZAVNOBiH-a (25. novembar 1943.) za državnost Bosne i Hercegovine (predlagač: poslanik Denis Bećirović).
19. Izvještaj komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o nestalim licima (zakon u prvom čitanju);
20. Izvještaj Zajedničke komisije oba doma o postizanju saglasnosti o identičnom tekstu Zakona o slobodnim zonama u BiH;
21. Izvještaj Zajedničke komisije oba doma o postizanju saglasnosti o identičnom tekstu Zakona o izmjenama i dopunama Zakona o Pravobranilaštvu BiH;
22. Izjašnjavanje o inicijativi Kluba poslanika SDP-a BiH koja glasi: „Predstavnički dom Parlamentarne skupštine BiH traži od Zajedničke komisije za administrativne poslove da, u skladu s članom 58. Poslovnika, preispita opravdanost i održivost postojećih visina plaća i naknada materijalnih troškova svih zaposlenih u PSBiH, a posebno poslanika i delegata u PSBiH“;
23. Izjašnjavanje o inicijativi poslanika Branka Dokića „da Predsjedništvo BiH Predstavničkom domu Parlamentarne skupštine BiH podnese pismeni i usmeni izvještaj o odnosima sa susjednim državama“;
24. Izvještaj komisije Kolegija o nastojanju za postizanje saglasnosti o uvrštavanju u dnevni red sjednice Doma tačke: Razmatranje zaključaka o smanjenju plaća i ostalih materijalnih prava poslanika i delegata u Parlamentarnoj skupštini BiH (prijedlog poslanika Denisa Bećirovića sa 63. sjednice Doma);
25. Izmjene u članstvu komisija Predstavničkog doma i zajedničkih komisija oba doma:
 - a) Vesna Šain imenuje se u Komisiju za ravnopravnost spolova i Zajedničku komisiju za ekonomske reforme i razvoj, umjesto Jovana Todorovića, kojem je mandat prestao zbog smrti,
 - b) Ljiljana Milašin imenuje se u Komisiju za vanjsku trgovinu i carine i Zajedničku komisiju za ekonomske reforme i razvoj, umjesto Hadži Jovana Mitrovića, kojem je mandat prestao odlukom Centralne izborne komisije BiH;
26. Imenovanje tri poslanika iz Predstavničkog doma u Zajedničku komisiju oba doma za usaglašavanje identičnog teksta Zakona o kontroli vanjskotrgovinskog prometa robe i usluga od strateške važnosti za sigurnost Bosne i Hercegovine,
27. Donošenje zaključka o podnošenju informacije Vijeća ministara BiH o stanju i preduzetim aktivnostima u BiH na preventivnoj zaštiti i borbi protiv virusa gripe A (H1N1),
28. Davanje saglasnosti za ratifikaciju:
 - a) Sporazuma Vijeća ministara BiH i Kraljevine Danske o razvojnoj saradnji.

Ad. 1. Usvajanje Zapisnika 63. sjednice Predstavničkog doma

U raspravi je učestvovao Adem Huskić koji je stavio primjedbu da je u okviru tačaka 13., 14. i 16. greškom navedeno da je u raspravi učestvovao Jozo Prodanović, a treba da stoji Jozo Križanović.

S 25 glasova „za“ (iz Federacije BiH 18, iz Republike Srpske sedam), jednim glasom „protiv“ i bez „sudržanih“ glasova, Zapisnik 63. sjednice usvojen je s primjedbom Adema Huskića.

Ad. 2. Poslanička pitanja

Predsjedavajući Milorad Živković konstatirao je da su od prošle do ove sjednice odgovore na pitanja dobili:

- Šemsudin Mehmedović – od Vijeća ministara BiH, na pitanja postavljena na 52, 59. i 61. sjednici, i od Ministarstva sigurnosti BiH, na pitanje postavljeno na 59. sjednici,
- Željko Kuzmanović - od Vijeća ministara BiH, na pitanje postavljeno na 59. sjednici,
- Slavko Matić - od Vijeća ministara BiH, na pitanje postavljeno na 56. sjednici,
- Drago Kalabić - od Vijeća ministara BiH, na pitanje postavljeno na 45. i 57. sjednici,
- Denis Bećirović - od Vijeća ministara BiH, na pitanje postavljeno na 9., 10. i 62. sjednici, te od Ministarstva pravde BiH, na pitanje postavljeno na 62. i 63. sjednici.
- Husein Nanić - od Vijeća ministara BiH, na pitanje postavljeno na 14., 50., 60. i 61. sjednici,
- Jerko Ivanković Lijanović - od Vijeća ministara BiH, na pitanje postavljeno na 26. sjednici,
- Šefik Džaferović - od Vijeća ministara BiH, na pitanje postavljeno na 61. sjednici,
- Momčilo Novaković - od Vijeća ministara BiH, na pitanje postavljeno na 60. sjednici,
- Martin Raguž - od Vijeća ministara BiH, na pitanje postavljeno na 59. sjednici,
- Bajazit Jašarević - od Vijeća ministara BiH, na pitanje postavljeno na 45. sjednici,
- Ekrem Ajanović - od Ministarstva pravde BiH, na pitanje postavljeno na 59. sjednici, te od Ministarstva sigurnosti BiH, na pitanje postavljeno na 59. sjednici – odgovor na našu urgenciju sa 61. sjednice,
- Selim Bešlić – od Ministarstva komunikacija i prometa BiH, na pitanje postavljeno na 59. sjednici,
- Niko Lozančić – od Ustavnopravne komisije, na pitanje postavljeno na 9. sjednici – također odgovor na našu urgenciju sa 61. sjednice,
- Sead Jamakosmanović – od Ministarstva odbrane BiH, na pitanje postavljeno na 62. sjednici,
- Rifat Dolić - od Vijeća ministara BiH, na pitanje postavljeno na 34. sjednici, od Ministarstva odbrane BiH, na pitanje postavljeno na 62. sjednici i Ministarstva pravde BiH, na pitanje postavljeno na 59. sjednici,
- Azra Alajbegović - od Vijeća ministara BiH, na pitanje postavljeno na 56. sjednici

- Milorad Živković - od Vijeća ministara BiH, na pitanje postavljeno na 59. sjednici.

Dobivene odgovore komentirali su: Šefik Džaferović, Martin Raguž, Savo Erić, Milorad Živković i Bajazit Jašarević.

U okviru komentara na dobivene odgovore, ponovljena su ranije postavljena pitanja kako slijedi:

Šefik Džaferović

„Dobio sam odgovor od Vijeća ministara BiH na ovo pitanje, jer sam pitao šta je s parama, zašto se ne daju Sarajevskom univerzitetu. Onda je kazano da su oni predložili Parlamentu još 2005. godine da Parlament odredi način kako će se upotrijebiti ta sredstva. Ja vas molim kao Kolegij da se malo zainteresirate za tu stvar, jer takav je odgovor meni došao, kao poslaniku. Ja se ne mogu dalje interesirati da se vidi šta je na toj relaciji i da se donesu odgovarajuće odluke da se novac da Sarajevskom univerzitetu. Da se više ta stvar ne blokira, jer ako se ta stvar bude blokirala, onda ćemo mi naći prostora u BiH gdje se možemo ponašati na isti način. I ovo je za vas, dakle molba, kao Kolegij da se zainteresirate i da sa Vijećem ministara BiH vidite da se novac da Univerzitetu u Sarajevu.“

Martin Raguž

„Da li najnovija odluka Vlade Federacije BiH o radikalnoj izmjeni trase južne dionice Koridora Vc - donesena bez obzira na to što su svi ministri iz hrvatskog naroda bili protiv takve odluke (što dovoljno govori o karakteru odluke) – znači blokadu realizacije najznačajnijeg državnog projekta Koridora Vc (najznačajnijeg ne samo za BiH nego i čitavu regiju i šire) i sprečavanje mogućnosti skorijeg spajanja BiH na već završene dijelove evropskih koridora na sjeveru i jugu BiH?“

Savo Erić

„Da li i u kojoj mjeri Vijeće ministara BiH namjerava pomoći privredi BiH s ciljem ublažavanja recesije i krize koja zahvata cijeli svijet?

- a) Da li se razmišlja o smanjenju poreskih stopa?
- b) Kakav je priliv PDV-a u januaru i februaru ove godine u poređenju s januarom i februarom 2008. godine?“

Milorad Živković

„Molim vas da sačinite informaciju o efektima zakonskih rješenja kojima je prenesena nadležnost s entiteta na nivo zajedničkih organa BiH, da ne bi ovdje pojedinačno razmatrali svaki zakon i njihove efekte. Tražim, dakle, da se napravi jedna zbirna informacija o nekih 50- ak, kako kažu, prenesenih nadležnosti, da vidimo te efekte.“

Bajazit Jašarević

Dobio sam odgovor na pitanje postavljeno na 45. sjednici – Kada će u parlamentarnu proceduru doći Zakon o akcizama? Odgovor je korektan, došao je, naravno, s velikim zakašnjenjem, ali sam njime zadovoljan. Ali, molim da se ispravi tehnička greška, napisano je da je pitanje postavljeno na 45. sjednici, održanoj 27.5.2009., a da je Zakon o akcizama u BiH usvojen na 54. sjednici Predstavničkog doma, održanoj 27.5.2009. Da ne bi ispalo da je i pitanje postavljeno i zakon usvojen na istoj sjednici, neka se ispravi onako kako je istinito, da je pitanje postavljeno na 45. sjednici, održanoj 4.2.2009. Ovo je sve provjereno, ali neka ostane trag da to nije bilo na istoj sjednici.

U okviru novih poslaničkih pitanja, Denis Bećirović predložio je da se pitanja samo dostave u pisanoj formi bez usmenog obrazloženja, kako bi se ubrzao rad sjednice.

S 24 glasa „za“ (iz Federacije BiH 18, iz Republike Srpske šest), tri glasa „protiv“ i tri „sadržana“ glasa, usvojen je prijedlog Denisa Bećirovića.

Nova poslanička pitanja postavljena su u pisanoj formi kako slijedi:

Selim Bešlagić

1. „Da li su u budžetu predviđeni novci za 20 zaslužnih sportista iz BiH, osvajača olimpijskih medalja, svjetskih medalja i evropske zlatne medalje shodno Zakonu o sportu, odnosno Pravilniku o kategorizaciji sportista na nivou Bosne i Hercegovine?“
2. „Ko vrši kontrolu usaglašavanja i šta će preduzeti za one univerzitete ili nivoe vlasti koji nisu izvršili usaglašavanje zakona?“

Rifat Dolić

1. „Koliki je trenutni broj krivičnih djela ubistva na prostoru USK-a za koja do danas nisu utvrđeni počinioци, o kojim ubistvima se pojedinačno radi i kada su počinjena, računajući sva ubistva s nepoznatim počinioциma od 1990. godine do danas?“
2. Kakva je zakonska procedura da građani ili njihovi opunomoćenici dobiju na uvid i ovjere dokumentaciju koja je u toku rata bila u posjedu Vojne bezbjednosti Armije BiH i koja je građanima danas potrebna za dokazivanje i ostvarivanje prava po osnovu statusa iz ratnog i poratnog perioda?“

Mehmed Suljkanović

„Zašto Upravni odbor Uprave za indirektno oporezivanje nije još utvrdio metodologiju rasporeda prikupljenih sredstava od putarine u iznosu od oko 53 miliona KM koja se nalaze na posebnom računu jedinstvenog računa Uprave za indirektno oporezivanje?“

Adem Huskić

1. „Da li postoji mogućnost da se na veb-stranici Parlamentarne skupštine BiH objavljuju odgovori na poslanička pitanja?“
2. U čije ime je predsjedavajući Vijeća ministara BiH gosp. Nikola Špirić jučer govorio pred Vijećem sigurnosti UN-a? Da li je govor predsjedavajućeg razmatran i usvojen u Vijeću ministara BiH ili je to bilo privatno mišljenje Nikole Špirića, odnosno da li je on iznosio isključivo stranačke stavove?“

Beriz Belkić

1. „Kolika je šteta i kako će biti nadoknađena a nastala je zbog nezakonite Odluke o smjeni generalnog direktora Javnog radiotelevizijskog servisa? Mislim na sudske troškove i jednogodišnju plaću direktora?“
2. „Na osnovu čega (zakona, pravilnika) je Upravni odbor Javnog radiotelevizijskog servisa donio odluku da se retroaktivno (od 2006. godine) isplati naknada članovima Upravnog odbora Javnog radiotelevizijskog sistema i o kojem se iznosu radi?“

Sadik Bahtić

1. „Zašto su otkazana dva ugovora i nije realiziran novac za renoviranje graničnih prijelaza?“
2. „Šta se čeka s potpisom za paket od 39 miliona eura pomoći protiv krize?“

Vesna Šain

„Šta je s projektom ZP - 08, kojim je na području općine Derventa predviđena obnova 30 povratničkih kuća, 15 za bošnjačke porodice i 15 za hrvatske porodice? Zašto nije verificirana rang-lista koju je komisija napravila prema utvrđenim standardima? U čemu je problem?“

Milorad Živković

„Da li ste pokrenuli proceduru za zaključivanje sporazuma o dvojnog državljanstvu s Makedonijom i Australijom?“

Denis Bećirović

„Da li je zaključivanje tačke 21. dnevnog reda 63. sjednice Predstavničkog doma Parlamentarne skupštine BiH obavljeno u skladu s Poslovníkom Predstavničkog doma i dosadašnjom parlamentarnom praksom u istim ili sličnim situacijama?“

Podsjećam da je predsjedavajući navedenog doma, nakon što Predstavnički dom nije prihvatio Izvještaj Posebne istražne komisije o nabavci automobila koje je Generalni sekretarijat Vijeća ministara BiH kupio u periodu od 15.4.2008. do 15.4.2009., predložio zaključak o ukidanju ove komisije.

Azra Alajbegović

„Koliko je saglasnosti za kliničko istraživanje lijekova (faze II, III i IV) dala Agencija za lijekove i medicinska sredstva BiH?“

Molim uz odgovor uvrstiti i relevantne podatke o studijama koje će se raditi u BiH (koji lijekovi, koje pare, koje institucije će biti nosioci posla i koja odgovorna lica)?“

Ad. 3. Potvrđivanje Odluke predsjedavajućeg Vijeća ministara BiH o imenovanju Sadika Ahmetovića za ministra sigurnosti BiH i zamjenika predsjedavajućeg Vijeća ministara BiH

Nakon kratkih uvodnih napomena predsjedavajućeg i čitanja Odluke, u raspravi su učestvovali: Denis Bećirović, Sadik Bahtić, Šefik Džaferović, Momčilo Novaković, Milorad Živković, Mirko Okolić, Halid Genjac i Drago Kalabić.

Klub poslanika SDA predložio je da se odmah obavi glasanje u okviru ove tačke dnevnog reda.

Dom je jednoglasno, s 34 glasa „za“ (iz Federacije BiH 21, iz Republike Srpske 13), usvojio ovaj prijedlog te se odmah prešlo na glasanje o potvrđivanju Odluke predsjedavajućeg Vijeća ministara BiH o imenovanju Sadika Ahmetovića za ministra sigurnosti BiH i zamjenika predsjedavajućeg Vijeća ministara BiH.

Zatim je, s 27 glasova „za“ (iz Federacije BiH 17, iz Republike Srpske 10), šest glasova „protiv“ i jednim „suzdržanim“ glasom, Dom potvrdio Odluku i imenovao Sadika Ahmetovića za ministra sigurnosti BiH i zamjenika predsjedavajućeg Vijeća ministara BiH.

Predsjedavajući je pozvao Sadika Ahmetovića da da svečanu izjavu, što je on i učinio.

Ad.4. Izvještaji Ureda za reviziju institucija BiH o reviziji institucija BiH za 2008. godinu, s Mišljenjem Ureda za reviziju institucija BiH

Nakon uvodnih napomena predsjedavajućeg, u raspravi su učestvovali: Sadik Bahtić, Savo Erić, Selim Bešlijić, Velimir Jukić, Beriz Belkić, Momčilo Novaković, Lazar Prodanović, Mirko Okolić, Šefik Džaferović, Adem Huskić, Slavko Jovičić, Denis Bećirović, Salko Sokolović, Azra Hadžiahmetović i generalni revizor Milenko Šego.

Predstavnički dom je, s 22 glasa „za“ (iz Federacije BiH 14, iz Republike Srpske osam), jednim glasom „protiv“ i pet „suzdržana“ glasa, usvojio izvještaje Ureda za reviziju institucija BiH o reviziji institucija BiH za 2008. godinu, sa Zbirnim mišljenjem Komisije za finansije i budžet s priložima 1,2,3,4 i 5.

Nakon toga, Predstavnički dom je, sa 27 glasova „za“ (iz Federacije BiH 18, iz Republike Srpske devet), bez glasova „protiv“ i jednim „suzdržanim“ glasom, usvojio zaključak Milorada Živkovića koji glasi:

„Predstavnički dom Parlamentarne skupštine BiH pokreće inicijativu i poziva Dom naroda da, zajedno s Uredom za reviziju institucija BiH i Vijećem ministara BiH, formiraju Interresornu radnu grupu s ciljem priprema izmjena zakona kojima će se osigurati jačanje finansijske discipline i vladavine prava, u skladu s preporukama Ureda za reviziju institucija BiH i Komisije za finansije i budžet Predstavničkog doma Parlamentarne skupštine BiH.“

Iz rasprave je proizašao zaključak da se Uredu za reviziju institucija BiH, Vijeću ministara BiH i Komisiji za finansije i budžet Predstavničkog doma dostavi dio neautoriziranog transkripta koji se odnosi na raspravu o ovoj tački dnevnog reda.

Ad. 5. Zahtjev Vijeća ministara BiH za razmatranje Prijedloga zakona o izmjenama i dopunama Zakona o zaduživanju, dugu i garancijama BiH, po skraćenom postupku, u skladu s članom 126. Poslovnika

Nakon uvodnih napomena predsjedavajućeg, nije bilo rasprave o ovoj tački dnevnog reda.

Zahtjev Vijeća ministara BiH usvojen je sa 27 glasova „za“ (iz Federacije BiH 18, iz Republike Srpske devet), jednim glasom „protiv“ i bez „suzdržanih“ glasova.

Ad. 6. Zahtjev Komisije za vanjsku trgovinu i carine za razmatranje Prijedloga zakona o dopuni Zakona o sistemu indirektnog oporezivanja u BiH, po skraćenom postupku, u skladu s članom 126. Poslovnika, zakon broj: 01-02-4-106/09, od 18.11.2009.

Predsjedavajući je dao kratke uvodne napomene, nakon čega su u raspravi učestvovali: Momčilo Novaković, Mehmed Suljkanović, Slavko Jovičić i Mirko Okolić.

Zahtjev Komisije za vanjsku trgovinu i carine usvojen je sa 20 glasova „za“ (iz Federacije BiH 18, iz Republike Srpske dva), pet glasova „protiv“ i tri „suzdržana“ glasa.

Ad. 7. Prijedlog zakona o duhanu BiH, predlagač: Vijeće ministara BiH, zakon broj: 01, 02 – 02 – 2 – 89/09, od 30. 9. 2009. (drugo čitanje)

Predsjedavajući je u uvodnim napomenama rekao da je nadležna komisija usvojila šest amandmana. Slavko Jovičić u plenarnoj fazi brani pet amandmana a Velimir Jukić dva.

U raspravi su učestvovali: Velimir Jukić, Slavko Jovičić, Beriz Belkić, Azra Hadžiahmetović, Momčilo Novaković i Mehmed Suljkanović.

Tokom glasanja Dom se prvo izjašnjavao o amandmanima Slavka Jovičića. Amandmani nisu usvojeni a rezultati glasanja su sljedeći:

Amandman I. – „za“ devet „protiv“ 16, tri „suzdržana“.

Amandman II. – „za“ osam, „protiv“ 17, tri „suzdržana“.

Amandman III. - „za“ osam, „protiv“ 16, četiri „suzdržana“.

Amandman IV. - „za“ osam, „protiv“ 14, četiri „suzdržana“.

Amandman V. - „za“ devet, „protiv“ 15, dva „suzdržana“.

Zatim se Dom izjašnjavao o dva amandmana Velimira Jukića, koji također nisu usvojeni. Rezultati glasanja su sljedeći:

Amandman I. – „za“ 12 „protiv“ 13, tri „suzdržana“.

Amandman II. – „za“ 12, „protiv“ 13, tri „suzdržana“.

„Za“ Prijedlog zakona o duhanu BiH je glasalo 22 poslanika (iz Federacije BiH 19, iz Republike Srpske tri), dva „protiv“ i četiri poslanika su bila „suzdržana“. Predsjedavajući je konstatirao da nema potrebne entitetske većine. Kolegij je odmah proveo usaglašavanje. S obzirom da nije postignuta saglasnost, prešlo se u drugi krug glasanja.

Prijedlog zakona o duhanu BiH usvojen je u drugom čitanju s 22 glasa „za“ (iz Federacije BiH 19, iz Republike Srpske tri), tri „protiv“ (iz Republike Srpske) i tri „suzdržana“ glasa.

Predsjedavajući Živković stavio je na glasanje prijedlog Kolegija Doma da se sjednica Doma prekine i da se nastavi u srijedu, 2. 12. 2009., u 10 sati.

"Za" prijedlog glasao je 21 poslanik (iz Federacije BiH 10, iz Republike Srpske 11), tri su bila „protiv“ a jedan je bio "suzdržan", te je sjednica prekinuta u 18,30 sati i nastavak zakazan za 2. 12. 2009.

Nastavak 64. sjednice Predstavničkog doma Parlamentarne skupštine BiH održan je 2. decembra 2009.

Sjednica je počela u 10 sati.

Sjednici su prisustvovala 32 poslanika.

Odsustvo su opravdali: Jozo Križanović, Husein Nanić, Rifat Dolić, Sadik Bahtić, Velimir Jukić, Lazar Prodanović, Slavko Matić i Zlatko Lagumdžija. Sead Jamakosmanović najavio je kašnjenje.

Iz Vijeća ministara BiH prisustvovali su ministri: Bariša Čolak, Sredoje Nović i zamjenik ministra Srđan Arnaut.

Iz međunarodnih organizacija sjednicu su pratili predstavnici: OHR-a, OSCE-a, EUSR-a, EUPM-a, USAID/PSP u BiH, ambasada Velike Britanije i Japana, te nevladine organizacije Centri civilnih inicijativa.

Predsjedavajući je podsjetio da je prvi dio sjednice završen realizacijom tačke 7., tako da slijedi:

Ad. 8. Prijedlog zakona o izmjenama i dopunama Zakona o ministarstvima i drugim organima uprave BiH, predlagač: Vijeće ministara BiH, zakon broj 01,02 – 02 - 5 – 6 - 1/09, od 21.8.2009. (drugo čitanje)

Predsjedavajući je u uvodnim napomenama rekao da je nadležna komisija usvojila jedan amandman. U raspravi su učestvovali: Šefik Džaferović, Bakir Izetbegović, Beriz Belkić, Remzija Kadrić i ministar Bariša Čolak.

"Za" Prijedlog zakona glasalo je 16 poslanika (iz Federacije BiH osam, iz Republike Srpske osam), 10 je glasalo „protiv“ a jedan je bio „suzdržan“. Predsjedavajući je konstatirao da nema potrebne entitetske većine. Kolegij je odmah proveo usaglašavanje. S obzirom da nije postignuta saglasnost, prešlo se u drugi krug glasanja.

Sa 16 glasova „za“ (iz Federacije BiH osam, iz Republike Srpske osam), 11 glasova „protiv“ (iz Federacije BiH) i bez „suzdržanih“ glasova, Dom je usvojio Prijedlog zakona o ministarstvima i drugim organima uprave u BiH u drugom čitanju.

Ad. 9. Prijedlog zakona o izmjenama i dopunama Zakona o upravi, predlagač: Vijeće ministara BiH, zakon broj: 01,02-02-5-80/09, od 14.9.2009. (drugo čitanje)

Predsjedavajući Milorad Živković dao je kratke uvodne napomene te rekao da je nadležna komisija usvojila dva amandmana.

U raspravi je učestvovao Šefik Džaferović.

S 27 glasova „za“ (iz Federacije BiH 18, iz Republike Srpske devet), bez glasova „protiv“ i jednim „suzdržanim“ glasom, Dom je usvojio Prijedlog zakona u drugom čitanju.

Ad. 10. Prijedlog zakona o izmjenama i dopunama Zakona o javnim nabavkama BiH, predlagač: poslanik Bajazit Jašarević, zakon broj: 01-02-4-83/09, od 8.10.2009. (drugo čitanje)

Predsjedavajući je u uvodnim napomenama kazao da je nadležna komisija usvojila tri amandmana. U plenarnoj fazi poslanik Denis Bećirović brani jedan amandman. U raspravi su učestvovali Denis Bećirović i Bajazit Jašarević.

Dom je prvo glasao o amandmanu Denisa Bećirovića. Rezultat je sljedeći:

Amandman I. - „za“ sedam, „protiv“ osam, 13 „suzdržanih“. Amandman nije usvojen.

„Za“ Prijedlog zakona o izmjenama i dopunama Zakona o javnim nabavkama BiH glasalo je 16 poslanika (iz Federacije BiH 15, iz Republike Srpske jedan), jedan „protiv“ i 11 je bilo „suzdržanih“. Predsjedavajući je konstatirao da nema dovoljne entitetske većine, te da će se Kolegij kao komisija pokušati usaglasiti u roku od tri dana, o čemu će obavijestiti Dom.

Ad. 11. Prijedlog zakona o izmjeni Zakona o osnovama sigurnosti saobraćaja na putevima u BiH, predlagač: poslanik Momčilo Novaković, zakon broj: 01, 02 – 02 – 3 - 94/09, od 13. 10. 2009., sa Izvještajem Komisije za saobraćaj i komunikacije

Milorad Živković dao je kratke uvodne napomene, nakon čega su u raspravi učestvovali: Željko Kuzmanović, Beriz Belkić, Momčilo Novaković, Bakir Izetbegović, Branko Dokić, Mirko Okolić, Selim Bešliagić i Mehmed Suljkanović.

„Za“ Izvještaj Komisije glasalo je 20 poslanika (iz Federacije BiH 18, iz Republike Srpske dva), osam je bilo „protiv“, a niko nije bio „suzdržan“. Predsjedavajući je konstatirao da nema dovoljne entitetske većine. Kolegij je odmah proveo usaglašavanje. S obzirom da nije postignuta saglasnost, prešlo se u drugi krug glasanja.

Predstavnički dom je, s 19 glasova „za“ (iz Federacije BiH 17, iz Republike Srpske dva), osam glasova „protiv“ (iz Federacije BiH jedan, iz Republike Srpske sedam) i bez

„suzdržanih“ glasova, usvojio Izvještaj Komisije. Predsjedavajući je konstatirao da je Prijedlog zakona odbijen u drugom čitanju.

Ad. 12. Prijedlog zakona o izmjenama i dopunama Krivičnog zakona BiH, predlagač: Vijeće ministara BiH, zakon broj 01,02-02-5-103/09, od 6. 11. 2009. (prvo čitanje)

Predsjedavajući je dao kratke uvodne napomene. U raspravi su učestvovali: Šefik Džaferović, Ekrem Ajanović, Beriz Belkić, Milorad Živković i ministar Bariša Čolak.

„Za“ Prijedlog zakona glasalo je 27 poslanika (iz Federacije BiH 19, iz Republike Srpske osam), „protiv“ je glasao jedan, a nijedan poslanik nije bio „suzdržan“, te je Prijedlog zakona usvojen u prvom čitanju.

Predsjedavajući je obavijestio Dom da je uvaženi poslanik Jozo Križanović preminuo u Zagrebu i napravio pauzu pola sata. Nakon pauze, sastao se Kolegij u proširenom sastavu, te je Domu predložio sljedeće:

- Komemorativna sjednica bit će održana u petak, 4.12.2009., u 10,30 u Velikoj sali;
- U Organizacionom odboru za pripremu te sjednice bili bi članovi Kolegija, te zamjenik predsjedavajućeg Kluba SDP-a poslanik Denis Bećirović i sekretar Zajedničke službe Aljoša Čampara;
- Sjednica Doma bila bi nastavljena u ponedjeljak, 7. 12. 2009., u 10 sati.

Dom je minutom šutnje odao počast preminulom Jozi Križanoviću.

Zatim je na glasanje stavio prijedlog da drugi nastavak sjednice bude u ponedjeljak, 7. 12. 2009., u 10 sati.

„Za“ je glasalo 26 poslanika (iz Federacije BiH 16, iz Republike Srpske 10), bez glasova „protiv“, a jedan poslanik bio je „suzdržan“, te je ovaj prijedlog usvojen i drugi nastavak 64. sjednice zakazan je za 7. 12.2009., s početkom u 10 sati.

Sjednica je prekinuta u 11,40 sati.

Drugi nastavak 64. sjednice Predstavničkog doma Parlamentarne skupštine BiH održan je 7. 12. 2009.

Sjednica je počela u 10 sati.

Sjednici su prisustvovala 33 poslanika.

Odsustvo su opravdali: Ekrem Ajanović, Sadik Bahtić, Adem Huskić, Zlatko Lagumdžija, Rifat Dolić, Milica Marković.

Iz Vijeća ministara BiH prisustvovali su ministri: Bariša Čolak, Sredoje Nović i zamjenik ministra Srđan Arnaut.

Iz međunarodnih organizacija sjednicu su pratili predstavnici: OHR-a, OSCE-a, EUSR-a, EUPM-a, USAID/PSP u BiH, ambasada Velike Britanije i Japana, te nevladine organizacije Centri civilnih inicijativa.

Prije nego što je otvorio sjednicu, predsjedavajući je kazao da se, prema obavještenju Službe Doma, u zgradi Parlamentarne skupštine BiH nalaze invalidi koji ne žele da napuste zgradu sve dok Predstavnički dom ne ratificira Konvenciju UN-a o pravima lica s invaliditetom i Opcionalni protokol. Kolegij smatra da je potrebno održati sjednicu Kolegija u proširenom sastavu kako bi odlučili šta će se učiniti po tom pitanju.

Nakon održane sjednice Kolegija u proširenom sastavu, predsjedavajući Živković stavio je na glasanje sljedeći zaključak:

- **odgađa se nastavak 64. sjednice i otvara se 65. sjednica Doma u skladu s članom 62. stav(3) Poslovnika Doma – razlozi hitnosti, sa samo jednom tačkom: „Davanje saglasnosti za ratifikaciju Konvencije UN-a o pravima lica s invaliditetom i Opcionalnog protokola“**
- **nastavak 64. sjednice slijedi po završetku 65. sjednice**
- **zadužuje se Komisija za vanjske poslove da u međuvremenu zasijeda radi davanja mišljenja o Konvenciji.“**

„Za“ zaključak Kolegija u proširenom sastavu glasala su 22 poslanika (iz Federacije BiH 19, iz Republike Srpske tri), „protiv“ je glasalo šest i niko nije bio „suzdržan“.

Predsjedavajući je konstatirao da nema potrebne entitetske većine. Kolegij je odmah proveo usaglašavanje i kako nije bilo saglasnosti, prešlo se na glasanje u drugom krugu.

„Za“ je glasao je 21 poslanik (iz Federacije BiH 19, iz Republike Srpske dva), „protiv“ je glasalo šest (iz Republike Srpske) a jedan poslanik bio je „suzdržan“.

Predsjedavajući je konstatirao da je zaključak usvojen, te dao pauzu do 12.30 sati, kada će biti održana 65. sjednica Doma.

Drugi nastavak 64. sjednice počeo je u 15 sati.

Predsjedavajući je podsjetio da je prvi dio sjednice završen raspravom o tački 12. tako da slijedi:

**Ad. 13 Prijedlog zakona o praznicima BiH i neradnim danima, predlagač:
Vijeće ministara BiH, zakon broj: 01,02-02-9-102/09, od 5. 11. 2009.
(prvo čitanje)**

Predsjedavajući je dao kratke uvodne napomene. U raspravi su učestvovali: Denis Bećirović, Milorad Živković, Bakir Izetbegović, Slavko Jovičić, Drago Kalabić, Azra Hadžiahmetović, Selim Bešliagić, Šefik Džaferović, Martin Raguž, Branko Dokić, Remzija Kadrić, Azra Alajbegović, Vinko Zorić, Lazar Prodanović, Niko Lozančić, Beriz Belkić i Mehmed Suljkanović. Riječ je uzeo i ministar civilnih poslova BiH Sredoje Nović.

Predstavnički dom je, s 11 glasova „za“ (iz Federacije BiH tri, iz Republike Srpske osam), 16 glasova „protiv“ i jednim „suzdržanim“ glasom, odbio Prijedlog zakona o praznicima BiH i neradnim danima u prvom čitanju.

Ad. 14. 15. i 16.

Predsjedavajući je kazao da je Komisija za saobraćaj i komunikacije predložila da se vodi jedinstvena rasprava o Prijedlogu zakona o izmjenama i dopunama Zakona o Javnom radiotelevizijskom sistemu BiH s Mišljenjem Komisije za saobraćaj i komunikacije, Prijedlogu zakona o izmjenama i dopunama Zakona o Javnom radiotelevizijskom servisu BiH, s Mišljenjem Komisije za saobraćaj i komunikacije i Prijedlogu zakona o izmjenama i

dopunama Zakona o komunikacijama, s Mišljenjem Komisije za saobraćaj i komunikacije. Kako niko nije bio protiv, otvorena je rasprava o mišljenjima Komisije.

U raspravi su učestvovali: Mirjana Malić, Beriz Belkić, Branko Dokić, Mehmed Suljkanović, Vinko Zorić, Selim Bešlagić, Slavko Matić, Šefik Džaferović i Husein Nanić.

S 10 glasova „za“ (iz Federacije BiH) i 18 glasova „protiv“ i bez „suzdržanih“, Dom nije prihvatio Mišljenje Komisije za saobraćaj i komunikacije o Prijedlogu zakona o izmjenama i dopunama Zakona o Javnom radiotelevizijskom sistemu BiH, te je Prijedlog zakona vraćen Komisiji radi dostavljanja novog mišljenja.

S 13 glasova „za“ (iz Federacije BiH 12, iz Republike Srpske jedan), 14 glasova „protiv“ i jednim "suzdržanim" glasom, Dom nije prihvatio Mišljenje Komisije za saobraćaj i komunikacije o Prijedlogu zakona o izmjenama i dopunama Zakona o Javnom radiotelevizijskom servisu BiH, te je Prijedlog zakona vraćen Komisiji radi dostavljanja novog mišljenja.

S 9 glasova „za“ (iz Federacije BiH), 18 glasova „protiv“ i jednim „suzdržanim“ glasom, Dom nije prihvatio Mišljenje Komisije za saobraćaj i komunikacije o Prijedlogu zakona o izmjenama i dopunama Zakona o komunikacijama, te je Prijedlog zakona vraćen Komisiji radi dostavljanja novog mišljenja.

Zatim se Dom izjasnio o prijedlogu zaključka Mehmeda Suljkanovića koji glasi:

Zadužuju se Komisija za saobraćaj i komunikacije i Komisija za ravnopravnost spolova da, vezano za Prijedlog zakona o izmjenama i dopunama Zakona o Javnom radiotelevizijskom servisu BiH, hitno naprave izmjene i dopune Zakona o ravnopravnosti spolova, čime bi se stvorila osnova za provođenje svih drugih zakona na državnom nivou sa Zakonom o ravnopravnosti spolova u BiH ("Službeni glasnik BiH", br. 16/03).

Sa 26 glasova „za“ (iz Federacije BiH 18, iz Republike Srpske osam), bez glasova „protiv“ i dva "suzdržana" glasa, Dom je usvojio navedeni zaključak.

Ad. 17. Prijedlog zakona o izmjenama Zakona o akcizama u BiH, predlagač: poslanik Jerko Ivanković Lijanović, zakon broj: 01-02-4-68/09, od 11. 9. 2009., s Mišljenjem Komisije za finansije i budžet

Predsjedavajući je dao uvodne napomene, nakon čega nije bilo rasprave u okviru ove tačke dnevnog reda.

S 25 glasova „za“ (iz Federacije BiH 16, iz Republike Srpske devet), dva glasa „protiv“ i jednim „suzdržanim“ glasom, Dom je prihvatio Mišljenje Komisije za finansije i budžet te je predsjedavajući konstatirao da je Prijedlog zakona odbijen u prvom čitanju.

Ad. 18. Prijedlog rezolucije o historijskoj vrijednosti i važnosti prvog zasjedanja ZAVNOBiH-a (25. novembar 1943. godine) za državnost Bosne i Hercegovine (predlagač: poslanik Denis Bećirović)

Predsjedavajući je dao kratke uvodne napomene. U raspravi su učestvovali: Mirjana Malić, Drago Kalabić, Denis Bećirović, Bakir Izetbegović i Slavko Jovičić.

Za“ Prijedlog rezolucije glasalo je 17 poslanika (iz Federacije BiH 16, iz Republike Srpske jedan), osam „protiv“ a tri su bila „suzdržana“. Predsjedavajući je konstatirao da nema dovoljne entitetske većine, te da će se Kolegij kao komisija pokušati usaglasiti u roku od tri dana, o čemu će obavijestiti Dom.

Ad. 19. Izvještaj komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o nestalim licima (zakon u prvom čitanju)

Milorad Živković napomenuo je da Kolegij nije postigao saglasnost.

U drugom krugu glasanja, sa 22 glasa „za“ (iz Federacije BiH 18, iz Republike Srpske četiri), pet glasova „protiv“ (iz Republike Srpske) i jednim „suzdržanim“ glasom, Predstavnički dom usvojio je Prijedlog zakona o nestalim licima u prvom čitanju.

Drago Kalabić tražio je da se zapisnički konstatira da su Vesna Šain i on glasali „protiv“, ali da je greškom uneseno da su bili „za“. S obzirom da to ne mijenja rezultat glasanja, nije se ponovo glasalo.

Ad. 20. Izvještaj Zajedničke komisije oba doma o postizanju saglasnosti o identičnom tekstu Zakona o slobodnim zonama u BiH

Predsjedavajući je podsjetio Dom da su predmet usaglašavanja bili Amandman I. i Amandman II. o kojem je Komisija jednoglasno postigla saglasnost.

Usaglašeni amandmani glase:

Amandman I.

U članu 10. u stavu (3) nakon riječi: „Slobodna zona“ dodaju se riječi: „locirana u pomorskoj ili riječnoj luci“, a ostatak rečenice ostaje nepromijenjen.

Amandman II.

U članu 11. riječi: „odgovarajuće se primjenjuju“ zamjenjuju se riječima: „primjenjuju se odgovarajuće“.

S 27 glasova „za“ (iz Federacije BiH 18, iz Republike Srpske devet), bez glasova „protiv“ i jednim „suzdržanim“ glasom, Predstavnički dom usvojio je Izvještaj Zajedničke komisije oba doma.

Ad. 21. Izvještaj Zajedničke komisije oba doma o postizanju saglasnosti o identičnom tekstu Zakona o izmjenama i dopunama Zakona o Pravobranilaštvu BiH

Predsjedavajući je rekao da su predmet usaglašavanja bili Amandman I. i Amandman II. o kojima je Komisija jednoglasno postigla saglasnost.

Usaglašeni amandmani glase:

Amandman I.

U Prijedlogu zakona o izmjenama i dopunama Zakona o Pravobranilaštvu BiH član 1. briše se.

Amandman II.

Član 2. Prijedloga zakona o izmjenama i dopunama Zakona o Pravobranilaštvu BiH, koji postaje član 1., mijenja se i glasi: „U Zakonu o Pravobranilaštvu BiH („Službeni glasnik BiH“, br. 08/02,10/02 i 44/04) u članu 3. u stavu (1) riječi: „deset godina“ zamjenjuju se riječima: „osam godina nakon položenog pravosudnog ispita“.

U stavu (2) iza riječi: „pet godina“ dodaju se riječi: „nakon položenog pravosudnog ispita“.

S 28 glasova „za“ (iz Federacije BiH 19, iz Republike Srpske devet), bez glasova „protiv“ i bez „suzdržanih“ glasova, Predstavnički dom usvojio je Izvještaj Zajedničke komisije oba doma.

Ad. 22. Izjašnjavanje o inicijativi Kluba poslanika SDP-a BiH koja glasi: „ Predstavnički dom Parlamentarne skupštine BiH traži od Zajedničke komisije za administrativne poslove da, u skladu s članom 58. Poslovnika, preispita opravdanost i održivost postojećih visina plaća i naknada materijalnih troškova svih zaposlenih u PSBiH, a posebno poslanika i delegata u PSBiH“.

Nakon uvodnih napomena predsjedavajućeg, u raspravi su učestvovali Remzija Kadrić i Denis Bećirović.

„Za“ Inicijativu glasalo je 17 poslanika (iz Federacije BiH 16, iz Republike Srpske jedan), sedam je bilo „protiv“ a tri „suzdržana“. Predsjedavajući je konstatirao da nema potrebne entitetske većine. Kolegij je odmah proveo usaglašavanje. S obzirom da nije postignuta saglasnost, prešlo se u drugi krug glasanja.

Sa 18 glasova „za“ (iz Federacije BiH 17, iz Republike Srpske jedan), sedam glasova „protiv“ (iz Republike Srpske) i tri „suzdržana“ glasa, Predstavnički dom usvojio je Inicijativu Kluba poslanika SDP-a.

Ad. 23. Izjašnjavanje o inicijativi poslanika Branka Dokića: „ da Predsjedništvo BiH podnese Predstavničkom domu Parlamentarne skupštine BiH pismeni i usmeni izvještaj o odnosima sa susjednim državama“

Predsjedavajući je dao uvodne napomene, nakon čega je u raspravi učestvovao Branko Dokić.

Predstavnički dom je, s 27 glasova „za“ (iz Federacije BiH 18, iz Republike Srpske devet), jednim glasom „protiv“ i bez „suzdržanih“ glasova, usvojio Inicijativu Branka Dokića.

Ad. 24. Izvještaj komisije Kolegija o nastojanju za postizanje saglasnosti o uvrštavanju u dnevni red sjednice Doma tačke: Razmatranje zaključaka o smanjenju plaća i ostalih materijalnih prava poslanika i delegata u Parlamentarnoj skupštini BiH (prijedlog poslanika Denisa Bećirovića sa 63. sjednice Doma)

Predsjedavajući je podsjetio da Kolegij nije postigao saglasnost.

U drugom krugu glasanja, sa 17 glasova „za“ (iz Federacije BiH 16, iz Republike Srpske jedan), devet glasova „protiv“ (iz Federacije BiH jedan, iz Republike Srpske osam) i dva „suzdržana“ glasa, Predstavnički dom usvojio je prijedlog Denisa Bećirovića o uvrštavanju u dnevni red tačke „Razmatranje zaključaka o smanjenju plaća i ostalih materijalnih prava poslanika i delegata u Parlamentarnoj skupštini BiH“.

Ad. 25. Izmjene u članstvu komisija Predstavničkog doma i zajedničkih komisija oba doma:

- a) Vesna Šain imenuje se u Komisiju za ravnopravnost spolova i Zajedničku komisiju za ekonomske reforme i razvoj, umjesto Jovana Todorovića, kojem je mandat prestao zbog smrti,
- b) Ljiljana Milašin imenuje se u Komisiju za vanjsku trgovinu i carine i Zajedničku komisiju za ekonomske reforme i razvoj, umjesto Hadži Jovana Mitrovića, kojem je mandat prestao odlukom Centralne izborne komisije BiH.

Nakon uvodnih napomena predsjedavajućeg, nije bilo rasprave o ovoj tački dnevnog reda.

„Za“ prijedlog izmjena glasalo je 25 poslanika (iz Federacije BiH 16, iz Republike Srpske devet), jedan je bio „protiv“ a dva su bila „suzdržana“, te je Dom imenovao:

- a) Vesnu Šain u Komisiju za ravnopravnost spolova i Zajedničku komisiju za ekonomske reforme i razvoj, umjesto Jovana Todorovića, kojem je mandat prestao zbog smrti,
- b) Ljiljanu Milašin u Komisiju za vanjsku trgovinu i carine i Zajedničku komisiju za ekonomske reforme i razvoj, umjesto Hadži Jovana Mitrovića, kojem je mandat prestao odlukom Centralne izborne komisije BiH.

Ad. 26. Imenovanje tri poslanika iz Predstavničkog doma u Zajedničku komisiju oba doma za usaglašavanje identičnog teksta Zakona o kontroli vanjskotrgovinskog prometa robe i usluga od strateške važnosti za sigurnost Bosne i Hercegovine

Predsjedavajući je u uvodnim napomenama kazao da se radi o zakonu koji su domovi usvojili u različitom tekstu, te da je prijedlog da se u Zajedničku komisiju iz Predstavničkog doma imenuju: Drago Kalabić, Adem Huskić i Vinko Zorić.

Dom je, s 24 glasa „za“ (iz Federacije BiH 16, iz Republike Srpske osam), jednim glasom "protiv" i tri „suzdržana“ glasa, u Zajedničku komisiju imenovao predložene članove.

Ad. 27. Donošenje zaključka o podnošenju informacije Vijeća ministara BiH o stanju i preduzetim aktivnostima u BiH na preventivnoj zaštiti i borbi protiv virusa gripe A (H1N1)

Predsjedavajući Milorad Živković dao je kratke uvodne napomene. Nakon toga riječ je uzeo ministar Sredoje Nović te istakao da je on spreman da na današnjoj sjednici podnese izvještaj o stanju gripe u BiH i mjerama koje su do sada preduzete i te o onima koje su planirane.

Predsjedavajući je stavio na glasanje sljedeći zaključak:

Zadužuje se Vijeće ministara BiH da na narednoj sjednici Predstavničkog doma Parlamentarne skupštine BiH podnese Informaciju o stanju i preduzetim aktivnostima u BiH na preventivnoj zaštiti i borbi protiv virusa gripe A, H1N1, sa svim potrebnim sadržajima i podacima s ciljem informiranja Doma i pružanja pune podrške planiranim aktivnostima na preventivnoj zaštiti i zaustavljanju širenja i liječenju zaraženih ovim virusom.

Dom je, s 18 glasova „za“ (iz Federacije BiH 10, iz Republike Srpske osam), pet „protiv“ i bez "suzdržanih" glasova, usvojio navedeni zaključak.

Nakon toga predsjedavajući je otvorio raspravu u kojoj su učestvovali: ministar Sredoje Nović, Šefik Džaferović, Denis Bećirović, Branko Dokić, Martin Raguž, Mirjana Malić, Lazar Prodanović, Drago Kalabić, Sead Jamakosmanović, Milorad Živković i Azra Alajbegović.

Dom je jednoglasno, 28 glasova „za“ (iz Federacije BiH 19, iz Republike Srpske devet), usvojio zaključak Milorada Živkovića koji glasi:

„Zadužuje se Vijeće ministara BiH i resorno ministarstvo da mjesečno, a po potrebi i češće, izvještava Predstavnički dom Parlamentarne skupštine BiH o stanju i preduzetim aktivnostima u BiH na preventivnoj zaštiti i borbi protiv virusa gripe A (H1N1), sa svim potrebnim sadržajima i podacima.“

Zatim se Dom izjasnio o sljedećem zaključku poslanika Šefika Džaferovića:

„Potrebno je da se u dnevni red sljedeće sjednice Doma uvrsti tačka: Informacija Vijeća ministara BiH o stanju i preduzetim aktivnostima u BiH na preventivnoj zaštiti i borbi protiv virusa gripe A1N1.

„Za“ je glasalo 17 poslanika (iz Federacije BiH), „protiv“ je bilo osam a tri su bila „suzdržana“. Predsjedavajući je konstatirao da nema dovoljne entitetske većine, te da će se Kolegij kao komisija pokušati usaglasiti u roku od tri dana, o čemu će obavijestiti Dom.

Ad. 28. Davanje saglasnosti za ratifikaciju:

a) Sporazuma Vijeća ministara BiH i Kraljevine Danske o razvojnoj saradnji

Predsjedavajući je podsjetio da je nadležna Komisija za vanjske poslove dala pozitivno mišljenje o Sporazumu, nakon čega nije bilo rasprave.

Dom je jednoglasno, s 27 glasova "za" (iz Federacije BiH 19, iz Republike Srpske osam), dao saglasnost za ratifikaciju Sporazuma.

Time je realiziran dnevni red.

Na kraju sjednice, predsjedavajući je napomenuo da je 66. sjednica Doma zakazana za 16.12.2009.

Sjednica je završena u 19,30 sati.

Sastavni dio Zapisnika je transkript 64. sjednice Predstavničkog doma.

SEKRETAR
PREDSTAVNIČKOG DOMA
Branka Todorović

PREDSJEDAVALAJUĆI
PREDSTAVNIČKOG DOMA
dr. Milorad Živković